

لطمية على مسلم بن عقيل مكتوبة

لطمية على الشهيد مسلم بن عقيل سفير الحسين بن علي بن أبي طالب رضي الله عنهم أجمعين، كتبها الشاعر العراقي الحسيني السيد زكي الياسري النجفي، الملقب بشاعر أهل البيت، حيث كتب العديد من القصائد واللطميات في رثاء الشهيد مسلم بن عقيل وأولاده منها لطمية مسلم يظلوم، نوردها فيما يلي

مسلم يا مظلوم ... من الكبر گوم

باچر حميدة ابكربله تصبح سبية

بينك بين الآلام .. قصة هم أليمة

قصة لوعه وآهات .. والغربة اللئيمة

غربة اتشيب الرأس .. بحدود الظليمة

بنتك عُگبك ابضيم ... راح تظل يتيمة

بدموع العيون .. لمن يروحون

آل النبي ذبح وطعن بالغازرية

باچر حميدة ابكربله تصبح سبية

باچر دمعة العين .. تجاره اعله خده

منكم محد أكون .. يابو الغيرة عده

طفلة أبين الآلاف .. چا منهو اليرده

ومنظر راس الحسين .. فوگ الرمح هذه

شگ گبرك وروح ... داويه لجروح

بنتك تره باچر بدين الناصبيه

باچر حميدة ابكربله تصبح سبية

يا بو الغيرة والزود .. لا تنقه بإمكانك

بنتك باچر أكون .. محتاجه الحنانك

تسمع تصرخ الغوث ... والنخوة ابكيانك
تقبل يا تقي اشلون .. يوليها إلى خانك
شد عزمك وگوم ... يا جالي لهموم
باچر تراها ابلا حمي بين الأمية
باچر حميدة ابكربله تصبح سبية
بيك ابكوفة الشوم ... من حاطت أعادي
ومن فوگ القصر ذاك ... چتفولك أيادي
وبنص حکم الإعدام ... من نادى المنادي
ندري ابفكرک اشدار ... يا هم منه بادي
ندري اعله هالحال ... دلالک إشکال
يحسين أمانه ايتيمتي وهاي الوصية
باچر حميدة ابكربله تصبح سبية
يا غدر الدهر ليش ... ببيوت الإمامة
خليت الوجع صار ... ليهم چن علامة
بنته المسلم أهنالك ... مبدأ لليتامه
يمسح رأسه احسين .. وادموعه اتهمه
أول يتاماي ... يا لبة احشاي
عظم الچ الله أجر هاي الرزية
باچر حميدة أبكربله تصبح سبية
يا شيعة علي اليوم ... واسوها الزجية
حملت ويلى آلام ... برض الغاضريه

وسو ابلطم الصدور ... والدمعة السرية

فتحو ابيوت الأحزان ... وخيام العزية

خيروه هيهات .. ننسه العذابات

كل واحد المسلم ذرف دمعة سرية

باجر حميدة ابكربله تصيح سبية